

animorum conciliatrices, & multorum malorum depultrices. Habetis Auditores virtutes Regis nostri togatas ordine recensitas, ex quibus manifestum est: sicut olim acclamari solitum fuit novis Imperatoribus: *Ne sis felicior Augusto, melior Trajano*: ita hodie non incommode usurpari posse: *Ne sis melior & felicior GUSTAVO.*

Quod ut magis magisq; in sensus vestros incurrat, agite pedem ad virtutes ejus bellicas proferamus. Cicero eloquentiae Romanæ apex pro lege Manilia refert, quod potissimæ virtutes Imperatoris sunt, labor in negotio, fortitudo in periculis, industria in agendo, celeritas in confiendo, consilium in providendo: quæ tantæ fuerunt in nostro Rege, quantæ in omnibus reliquis Imperatoribus, quos aut vidimus, aut audivimus, non fuerūt.

*Labor in negotio* in eo eluxit incredibilis, dum diligentiam suam in parandis ad bellum necessariis probavit. Ea Cæsar, docente Xiphilino, rectissime vidit, pecuniam esse, commeatum, & milites. His enim auctoritas conservatur, victoria paratur: exercitus nummis & commeatu retinetur, commeatus armis paratur. De pecunia ita semper anxius fuit, ne circumfrementia militum murmura aures ipsius percellerent. Noverat enim, quod pecunia nervus sit bellorum, quæ spiritum & animam & motum det exercitui: & quod jejonus exercitus disciplinæ fines facile migret, & fibulam laxet licentia.

Accuratam etiam commeatus rationem habuit, dum omnem movit lapidem, ne viæ pabulatoribus &

anno-